

Te whakamaimoa i te korokoro mamae mā te weronga rongoā paturopi

Kua whakaae koe, tō tamaiti hoki/rānei kia werohia tō tamaiti ki te rongoā paturopi. Mā tēnei weronga kotahi ka whakamaimoa i te korokoro strep. Ki te kore e whakamaimoatia, ka pā mai pea te mate rūmātiki i te korokoro strep. He mate tino taumata te mate rūmātiki, engari ka taea te karo.

Mēnā i whiwhi tō tamaiti i tētahi weronga rongoā paturopi, ka whakamaimoatia tonutia tana korokoro strep. Kua kore koe e mate ki te whakamahara i a koe anō ki te kai i ngā rongoā paturopi mō te 10 rā.

Ka whakamaimoatia e te weronga rongoā paturopi tēnei korokoro strep anake. Ki te mamae anō te korokoro o tō tamaiti, me tiro tiro anō e koe.

Mō ētahi atu kōrero mō te mate rūmātiki, haere ki: <http://rheumaticfever.health.govt.nz>

He pēhea te tuku i tēnei weronga?

Kei runga tō tamaiti i tana puku, ā, ka werohia te uaua nui o tōna kumu. Koinei te wāhi kāore e tino mamae mō te weronga. Kei roto i te weronga ko ētahi rongoā whakakōpā hei patu haere i te mamae.

Me noho atu tō tamaiti ki te whare tākuta mō te 20 meneti i muri i te weronga kia mātua whakarite kāore e pāngia e tētahi mate pāwera.

He aha ngā mea hei tūmanako i muri i te weronga?

Ka mamae te tou o tō tamaiti i muri mai. Mō ētahi tamariki, he rā, neke atu rānei te roa o tēnei mamae. Mēnā ka tino mamae tō tamaiti, ka taea e koe te whāngai ki ngā rongoā patu mamae pēnei i te ibuprofen, paracetamol rānei (me whai i ngā tohutohu a tō mātanga hauora).

Ka pā mai te kōpukupuku ki ētahi tamariki, ka hiahia ruaki rānei. Ki te pā mai ēnei i te rā o te weronga, me whakapā atu ki tō tākuta, mātanga nēhi, nēhi rānei. Ka taea anō e koe te waea atu ki te Healthline i 0800 611 116 mēnā he pātai atu anō āu.

rheumaticfever.health.govt.nz